



JUDISIAL SYSTEM MONITORNG PROGRAMME PROGRAMA MONITORIZASAUN SISTEMA JUDISIAL

Komunikadu Imprensa

Periode : Marsu 2011

Edisaun : 30 Marsu, 2011

Tribunál Distritál de Dili hamonu pena tinan 7 fulan 9 prizaun, ba arguidu violasaun seksuál

Iha loron Segunda Feira, 21 fulan Marsu 2011, Tribunál Distritál Dili halo audiénsia julgamentu hodi lee leitura akordaun ba kazu violasaun seksuál ho Nu. Prosesu 77/TDD/2011. Arguidu ba kazu ne'e mak Antonio Soares Pereira ne'ebé komete violasaun seksuál hasoru Lezada “Florinda Sarmento” ne'ebé lokalizada iha areia Matadoru, Suco Vilaverde Sub Distritu Vera Cruz, Distritu Dili. Kazu ne'e, akontese iha loron 20 fulan Janeiru 2010. Tuir depoimentu husi testamuña Rosa Sarmento ne'ebé nu'udarлезада nia tian haktuir katak,лезада antes ne'e sofre moras anomalia psíkika.

Prosesu julgamentu ba lee akordaun ne'e diriji husi Juiza Dra. Rosa Brandão (Juiza Internasional), Parte Ministériu Públiku reprezenta husi Dr. Carlos Vicinius Cabaleira (Procurador Internasional) no husi parte defeza akompaña husi Dr. Calistro Tout defensór estaziadu husi eskritória Defensória Públika no Ofisial Justisa mak Sr. Valentin Felipe.

Direitor Ezekutivu JSMP Luis de Oliveira Sampaio, haktuir katak, *JSMP kongratula Juiz koletivu Tribunál Dili ba akordaun ne'ebé sira hasai. Ba JSMP, dezisaun ne'e refleta no reprezenta krime ne'ebé arguidu komete, tanbá aleinde ofende dignidade umana vezada nian, ba kazu ida ne'e involve vítima ne'ebé antes ne'e sofre moras anomalia psíkika ne'ebé tuir lolos ema hotu iha obrigasaun atu proteze inklui kondenadu rasik elementu ida iha sosiedade laran.*

JSMP sente haksolok tanbá, tribunál halo esforsu atu fo prioridade ba kazu ne'e hodi hatan prosesu julgamentu ne'ebé lalais no hetan rezolusaun ne'ebé aproriadu ba interesse atu proteze vezada nia direitu ba justisa.

Tuir kronolojia kazu ne'e JSMP hetan durante prosesu julgamentu katak kazu ne'e akontese iha loron 20 fulan Janeiru 2010 iha oras tuku 03 :00 loro kraik, wainhira vezada kaer ka ho enxada no katana atu ba to'os. Iha tempu ne'ebé vezada lao liu husi arguidu nia dapur kotuk. Arguidu bolu no dehan ba vezada katak, ita ba kotuk lai. Bainhira to iha fatin refere arguidu komesa hatudu aktu seksuál kaer no lamas iha vezada nia isin lolon, nune'e mós arguidu konsege praktika aktu

violasaun seksuál ho forsa fíziku hasoru lezada. Akontensimentu refere do'ok husi fatin públiku nomós susar ba lezada hodi reziste hasoru hahalok ne'e.

Refere ba faktus hirak ne'e, Ministériu Públiku akuza, arguidu komete krime violasaun seksuál hasoru lezada. Tuir Ministériu Públiku faktu hirak ne'ebé deskobre indika ba krime ne'ebé defini iha artigu 172 Kódigu Penál Timór Lesté. Tuir artigu ne'e kazu ho tipu sira hanesan ne'e bele hetan pena prizaun husi tinan 5 to'o 15.

Bázeia ba faktus hirak ne'ebé produz iha julgamentu laran, tribunál konvensidu katak iha indikasaun forte ne'ebé prova katak arguidu involve iha krime ne'ebé Ministériu Públiku apresenta ba tribunal. Tanbá ne'e, tribunál konklui katak arguidu provadu involve práтика aktu violasaun seksuál ho forsa fíziku no obriga lezada hodi práтика aktu ne'e. Arguidu práтика hahalok ne'e ho nia konsentimentu rasik, hahalok ne'e hasoru ema ne'ebé labele rejiste nomós ema ne'ebé deskonfia sofre moras anomalia psíkika. Nune'e mós tribunal konklui katak hahalok ida ne'e halo lezada sente trauma. Refleta ba sirkunstansia no faktu provadu sira ne'e hotu, tribunál hamonu akordaun hodi kondena arguidu atu hetan kastigu tinan 7 fulan 9 iha prizaun.

JSMP apresia no haksolok ho akordaun tribunál ba kazu ne'e tanbá ho pena prizaun ne'ebé tribunál hamonu ne'e nu'udar meus ida atu eduka arguidu ba kazu ne'e no ba públiku Timór Leste tomak katak kualker aktus ho natureza ka karateristiku seksuál sei simu todan no responsabilidade tuir lei ne'ebé aplika ba kazu hirak ne'e.

Atu hetan imformasaun kompleitu kontaktu;

Luis de Oliveira Sampaio

Direitór Ezekutivu JSMP

Tel. 3323883/7295795

Email;luis@jsmp.minihub.org.

www.jsmp.minihub.org